



**Republika e Kosovës**  
**Republika Kosova - Republic of Kosovo**  
*Qeveria - Vlada - Government*

Nr. 02/36

Datë: 19.10.2020

Në mbështetje të nenit 92 paragrafi 4. dhe të nenit 93 paragrafi (4) të Kushtetutës së Republikës së Kosovës, duke u bazuar në nenin 4 të Rregullores Nr.06/2020 për Fushat e Përgjegjësisë Administrative të Zyrës së Kryeministrit dhe Ministrive, e ndryshuar dhe e plotësuar me Rregulloren Nr. 07/2020, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 19 tetor 2020, merr këtë:

**V E N D I M**

1. Miratohen prioritetet e fazës së dytë për zbatimin e Agjendës për Reforma Evropiane (ERA 2), të dakorduara me Komisionin Evropian dhe të lansuar nga Kryeministri dhe Komisioneri i Bashkimit Evropian për Politika të Fqinjësisë dhe Zgjerimit më 8 tetor 2020, në Prishtinë. Këto prioritete shërbejnë për zbatimin e obligimeve të Marrëveshjes së Stabilizim-Asociimit ndërmjet Bashkimit Evropian dhe Republikës së Kosovës.
2. Obligohet Zyra e Kryeministrit të koordinojë hartimin e një plani dyvjeçar të veprimit, për periudhën 1 janar 2021 - 31 dhjetor 2022, për zbatimin e prioritetëve të ERA 2, dhe ta dorëzojë atë për miratim në Qeveri brenda vitit 2020.
3. Obligohet Zyra e Kryeministrit që gjatë procesit të hartimit të Planit të Veprimit të kryejë edhe konsultime me Komisionin Evropian dhe Shoqërinë Civile.
4. Obligohen të gjitha institucionet e Qeverisë së Republikës së Kosovës të përfshira në hartimin e këtij Plani që të ndërmarrin të gjitha masat e nevojshme që Plani i veprimit të jetë i ndërlidhur me të gjitha dokumentet relevante.
5. Vendimi hyn në fuqi ditën e publikimit në Gazetën Zyrtare të Republikës së Kosovës.

**Avdullah HOTTI**

Kryeministër i Republikës së Kosovës

**Iu dërgohet:**

- Zëvendëskryeministrave
- të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë

## Kosova – Agjenda për Reforma Evropiane (ERA) 2

### Hyrje

**Marrëveshja e Stabilizim-Asociimit (MSA) ndërmjet BE-së dhe Kosovës** ka hyrë në fuqi në 1 prill 2016. Kjo marrëveshje është marrëdhënia e parë zyrtare kontraktuale që lidh BE-në dhe Kosovën së bashku. Ajo ofron mundësi dhe stimuj për Kosovën për të forcuar qeverisjen e mirë dhe sundimin e ligjit, si dhe për t'i dhënë hov rritjes ekonomike dhe punësimit. Ajo siguron zhvillimin gradual të një zone të tregtisë së lirë me BE-në, ndihmon në tërheqjen e investimeve të huaja dhe të brendshme, dhe në përmirësimin e mjedisit afarist.

Në mënyrë që **t'u jepet prioritet reformave të pritura si pjesë e zbatimit të MSA-së**, Kosova dhe BE kanë vendosur në vitin 2016 procesin e Agjendës për Reforma Evropiane (ERA). Që nga viti 2016 ERA është bërë mjeti kryesor udhëzues për institucionet e Kosovës për reformat e lidhura me BE-në.

Një **fazë e parë e ERA (ERA1)** ishte rënë dakord në nëntor 2016. Që nga atëherë Kosova ka bërë përparime gjatë periudhës kohore në vijim në arritjen e rezultateve nga zotimet e marra përsipër. Ajo ka vendosur fokusin në tri shtylla, të cilat janë: i) Qeverisja e mirë dhe sundimi i ligjit, ii) Konkurrueshmëria dhe klima e investimeve, dhe iii) Arsimi dhe punësimi.

Kosova dhe BE tani kanë rënë dakord të fillojnë një **fazë të dytë të ERA (ERA2)**, e cila bazohet në reformat dhe përparimet e arritura deri më tani. Kjo agjendë e re reformash prioritare ruan qasjen në tri shtylla, e cila është treguar shumë relevante, ndërsa gjithashtu pasqyron kontekstin dhe prioritetet në evoluim e sipër. Në veçanti, në kontekstin e pandemisë **COVID-19**, ERA2 përfshin prioritete që lidhen me zbutjen e ndikimit ekonomik dhe social të krizës, si dhe një fokus të ri në sektorin e shëndetësisë. Po kështu, ERA2 vë fokus shtesë në fushat e reformave që ndërliken me **Planin Ekonomik dhe të Investimeve** të Komisionit Evropian, të miratuar më 6 tetor, siç është **tranzicioni i gjelbër**. Në shtyllën e **sundimit të ligjit** ka një fokus të ri në procesin e reformës zgjedhore, të drejtat themelore të njeriut dhe punët e brendshme.

Krejt në fund, prioritetet e ERA2 janë plotësisht në përputhje me rekomandimet e përfshira në **Raportin** e Komisionit Evropian **për Kosovën – 2020** dhe me **Konkluzionet e Përbashkëta të vitit 2020 të Dialogut Ekonomik dhe Financiar** ndërmjet BE-së dhe Ballkanit Perëndimor e Turqisë.

Theks kyç i kësaj faze të dytë të ERA-s do të jetë në **implementimin dhe zbatimin e legjislacionit dhe reformave** të miratuara në fazën e parë të ERA-s, në mënyrë që të sigurohen ndryshime reale për qytetarët, bizneset dhe investitorët.

**Hapat e ardhshëm:** bazuar në prioritetet e paraqitura në këtë dokument, Qeveria e Kosovës – në konsultim të ngushtë me BE-në dhe me kontributin e shoqërisë civile – do të përgatisë një Plan dyvjeçar Veprimi të ERA-s 2021 – 2022. Ky Plan Veprimi do të përcaktojë hollësisht dhe me afate të qarta veprime specifike, realiste, të matshme dhe të arritshme për t'i realizuar prioritetet ambicioze. Kjo punë tashmë ka filluar dhe do të finalizohet me qëllim që të kërkohet miratimi nga Kuvendi i Kosovës deri në fund të vitit 2020.

**Kuvendi i Kosovës** luan rol të rëndësishëm në monitorimin dhe zbatimin e prioriteteve të ERA2 dhe duhet të ndërlidhet ngushtë me procesin e përgatitjes së Planit të Veprimit të ERA2.

Në mënyrë të ngjashme, angazhimi i **shoqërisë civile** është thelbësor për përgatitjen dhe zbatimin e Planit të Veprimit të ERA2 dhe për monitorimin e zbatimit të prioriteteve të ERA2. Për këtë qëllim do të organizohen konsultime të përbashkëta dhe publike me shoqërinë civile para finalizimit të planit të veprimit. Gjatë tërë kohës së zbatimit të tij do të organizohen konsultime të rregullta dhe të strukturuar të monitorimit me shoqërinë civile.

Nevojitet **angazhim i vendosur nga udhëheqësit politikë të Kosovës për këto reforma**, të cilat do të sjellin mundësi reale për tërë shoqërinë. Përmbushja e veprimeve prioritare do të ndihmojë në zbatimin e MSA-së dhe avancimin e Kosovës në rrugën e saj evropiane. Zbatimi i ERA2 do të analizohet hollësisht çdo vit.

## Kosova – Agjenda për Reforma Evropiane (ERA) 2

<i>Shtylla I: Qeverisja e mirë dhe sundimi i ligjit</i>	<i>Shtylla II: Konkurrueshmëria, klima e investimeve dhe zhvillimi i qëndrueshëm</i>	<i>Shtylla III: Punësimi, arsimit dhe shëndetësia</i>
<p>1.1. Avancimi i luftës kundër krimit të organizuar dhe korrupsionit, dhe zbatimi i reformave kryesore në fushën e gjyqësorit dhe atë të punëve të brendshme</p> <p>1.2. Forcimi i mëtejshëm i performancës në zbatimin e reformës së administratës publike, bazuar në kornizën e re ligjore në fuqi</p> <p>1.3. Përmirësimi i zbatimit të drejtave dhe lirive themelore</p> <p>1.4. Forcimi i mëtejshëm i proceseve zgjedhore</p>	<p>2.1. Përmirësimi i tregut të brendshëm dhe i kapaciteteve për të mbështetur investimet, sektorin privat dhe NMVM-të</p> <p>2.2. Të punohet drejt përbushjes së caqeve të eficiencës së energjisë dhe energjisë së ripërtëritshme</p> <p>2.3. Trajtimi i sfidave prioritare mjedisore</p> <p>2.4. Fuqizimi i mëtejshëm i zbatimit të menaxhimit të financave publike dhe reformave të prokurimit publik</p> <p>2.5. Fuqizimi i mëtejshëm i institucioneve të konkurrencës dhe ndihmës shtetërore</p> <p>2.6. Vazhdimi i përpjekjeve për të trajtuar ekonominë joformale</p>	<p>3.1. Zbatimi i masave me objektiva të qartë për rimëkëmbje sociale dhe ekonomike pas COVID-19</p> <p>3.2. Përmirësimi i punësimit dhe mirëqenies së përgjithshme</p> <p>3.3. Përmirësimi i shëndetit dhe sigurisë në punë</p> <p>3.4. Përmirësimi i sistemit arsimor të Kosovës</p> <p>3.5. Forcimi i funksioneve kryesore të sistemit shëndetësor</p>

## Kosova – Agjenda për Reforma Evropiane (ERA) 2

## Prioritetet

Prioritetet	Institucionet përgjegjëse
<b>I. Qeverisja e mirë dhe sundimi i ligjit</b>	
<p><b>1.1. Avancimi i luftës kundër krimit të organizuar dhe korrupsionit dhe zbatimi i reformave kryesore në fushën e gjyqësorit dhe atë të punëve të brendshme:</b></p> <p>a. Intensifikimi i punës në <b>rastet e nivelit të lartë të korrupsionit dhe krimit të organizuar</b>, duke krijuar kështu performancë të fuqishme të gjithmbarshme në hetimin proaktiv, ndjekjes penale, dënimeve përfundimtare dhe konfiskimeve përfundimtare të pasurive të fituara me vepër penale, duke i kushtuar vëmendje të veçantë rasteve të transferuara nga EULEX-i;</p> <p>b. Të sigurohet ndërmarrja e masave lehtësuese <b>për shkak të ndikimit të pandemisë COVID-19</b> në mbajtjen e seancave gjyqësore në gjykimet penale;</p> <p>c. Intensifikimi i <b>luftimit të krimit të organizuar</b>, përmes rritjes së bashkëpunimit dypalësh me Shtetet Anëtare të BE-së (përfshirë përdorimin e Ekipeve të Përbashkëta Hetimore) në luftimin e shpëlarjes së parave, dhe trafikimit të qenieve njerëzore dhe të armëve të zjarrit;</p> <p>d. Të përmirësohet më tej kornizave në <b>fushën e migracionit dhe atë të azilit</b> në përputhje me standardet ndërkombëtare dhe ato evropiane;</p> <p>e. Vazhdimi i përparimeve në fushën e <b>luftës kundër terrorizmit</b>, si dhe në parandalimin dhe luftimin e ekstremizmit të dhunshëm, në përputhje me aranzhimet zbatuese BE – Kosovë për Planin e Përbashkët të Veprimit BE – Ballkan Perëndimor Kundër Terrorizmit;</p> <p>f. <b>Zbatimi i plotë i kornizës së rishikuar ligjore</b> për trajtimin e korrupsionit të nivelit të lartë dhe krimit të organizuar: Kodit Penal, Ligjit mbi Kompetencat e Zgjeruara për Konfiskimin e Pasurive të Fituara me Vepër Penale, si dhe për parandalimin e korrupsionit (Ligjit për Parandalimin e Konfliktit të Interesit dhe Ligjit për Mbrojtjen e Sinjalizuesve);</p> <p>g. <b>Miratimi i legjislacionit të mbetur për trajtimin e korrupsionit të nivelit të lartë dhe krimit të organizuar, në përputhje me opinionet përkatëse të Komisionit të Venedikut:</b> Kodit të rishikuar të Procedurës Penale, legjislacionit të rishikuar për financimin e partive politike, dhe atij për parandalimin e korrupsionit (Ligjit për Agjencinë Kundër Korrupsionit, Ligjit për Deklarimin e Pasurisë);</p> <p>h. Miratimi dhe zbatimi i <b>Strategjisë dhe Planit të Veprimit për Sektorin e Sundimit të Ligjit</b>, me fokus në forcimin e gjyqësorit, prokurorisë, policisë dhe Agjencisë Kundër Korrupsionit, bazuar në rishikimin funksional të sektorit të sundimit të ligjit dhe në një proces konsultativ;</p> <p>i. Sigurimi i së <b>drejtës për gjykim në kohë të arsyeshme</b> për të adresuar vonesat në procedurat gjyqësore, në përputhje me rekomandimet e raportit të vlerësimit nga homologët për krimin e organizuar dhe korrupsionin, të kryer në nëntor 2019;</p> <p>j. Përmirësimi i mëtejshëm i <b>kornizës ligjore në fushën e noterisë dhe atë të falimentimit</b> përmes miratimit të legjislacionit të nevojshëm. Intensifikimi i zbatimit të legjislacionit në fushën e procedurës së përmbarimit dhe asaj të ndërmjetësimit, si dhe të noterisë dhe asaj të falimentimit.</p>	<p>Kuvendi</p> <p>ZKM</p> <p>MD</p> <p>AKK</p> <p>MPB</p> <p>MF</p> <p>AKI</p> <p>KGJK</p> <p>KPK</p> <p>PSRK</p> <p>ARC</p>

<p><b>1.2. Forcimi i mëtejshëm i performancës në zbatimin e reformës së administratës publike, duke u bazuar në kornizën e re ligjore në fuqi:</b></p> <p>a. Zbatimi i <b>legjislacionit të ri kornizë për RAP</b>, përfshirë zyrtarët publikë dhe organizatën e administratës shtetërore, përfshirë përmes hartimit të akteve përkatëse nënligjore, sipas nevojës;</p> <p>b. Përmirësimi i mëtejshëm i <b>procesit të emërimit dhe shkarkimit të zyrtarëve të lartë publikë</b>, siç kërkohet nga ligji, dhe në përputhje me parimet e për zgjedhjes transparente, meritore dhe jopolitike, si dhe ndërmarrja e hapave të parë për të vënë në zbatim menaxhimin e performancës dhe përmirësimi i llogaridhënies menaxheriale në shërbimin civil;</p> <p>c. Ndërmarrja e hapave konkretë për të <b>përmirësuar qeverisjen dhe efikasitetin e ndërmarrjeve publike</b>, përfshirë përmes sigurimit të emërimeve meritore dhe jopolitike në të gjitha nivelet, veçanërisht në Bordet e Drejtorëve;</p> <p>d. Vazhdimi i <b>procesit të racionalizimit të institucioneve dhe agjencive të pavarura</b>;</p> <p>e. Harmonizimi i legjislacionit me <b>Ligjin për Procedurat e Përgjithshme Administrative</b>, si dhe fokusimi në reduktimin e barrës administrative përmes masave gjithëpërfshirëse, përfshirë atyre legjislative dhe atyre që ndërlidhen me TI.</p>	<p>MPB ZKM Kuvendi MF MEA</p>
<p><b>1.3. Përmirësimi i zbatimit të të drejtave dhe lirive themelore:</b></p> <p>a. Ndërmarrja e hapave konkretë për të forcuar rolin koordinues brenda Zyrës së Kryeministrit në zbatimin e legjislacionit për të drejtat e njeriut;</p> <p>b. Sigurimi i <b>zbatimit të vendimeve gjyqësore</b>, në veçanti për të drejtat pronësore, përfshirë ato të Gjykatës Kushtetuese;</p> <p>c. Avancimi i mbrojtjes së <b>trashëgimisë kulturore</b> përmes implementimit dhe zbatimit me detyrim, plotësisht, të legjislacionit që trajton ndërtimet e paligjshme. Miratimi i Ligjit për Trashëgiminë Kulturore dhe Ligjit për Liritë Fetare dhe sigurimi i funksionimit aktiv të Këshillit për Zbatim dhe Monitorim;</p> <p>d. Përmirësimi i efektivitetit të përgjithshëm të <b>Agjencisë për Regjistrim Civil</b>, përfshirë shërbimet e saj për komunitetet e cënueshme dhe pakicat;</p> <p>e. Përmirësimi i <b>barazisë gjinore dhe mbrojtja efikase e të drejtave të fëmijëve</b>. Përmirësimi i reagimit ndaj dhunës në familje, ngacmimit seksual dhe veprave të tjera të paligjshme me bazë gjinore;</p> <p>f. Sigurimi i funksionimit të pavarur redaktorial dhe financiar të <b>transmetuesit publik</b> dhe miratimi e zbatimi i politikave/ligjeve të ndërlidhura me mediat, në përputhje me <b>standardet e lirisë së shprehjes dhe lirisë së medias</b>. Sigurimi i mbrojtjes së duhur të gazetarëve për të ushtruar lirshëm profesionin e tyre.</p>	<p>ZKM AKKVP MD MPB KGJK KPK MKK MEA MKRS Gjykata Kushtetuese KPM KZM ARC</p>
<p><b>1.4. Forcimi i mëtejshëm i proceseve zgjedhore:</b></p> <p>a. Zbatimi i rekomandimeve të misioneve të BE-së për vëzhgimin e zgjedhjeve;</p> <p>b. Miratimi dhe zbatimi i legjislacionit të ri për financimin e subjekteve politike, në përputhje me opinionin e Komisionit të Venedikut.</p>	<p>ZKM Kuvendi KQZ AKK</p>

<b>II. Konkurrueshmëria, klima e investimeve dhe zhvillimi i qëndrueshëm</b>	
<p><b>2.1. Përmirësimi i tregut të brendshëm dhe i kapaciteteve për të mbështetur investimet, sektorin privat dhe NMVM-të:</b></p> <p><b>Promovimi i investimeve të huaja direkte:</b></p> <p>a. Forcimi i dukshëm i kapaciteteve të Agjencisë për Investime dhe Përkrahjen e Ndërmarrjeve në Kosovë (KIESA) për të përmirësuar performancën e saj për promovimin dhe mbështetjen e investimeve, sektorit privat dhe zhvillimit të NVM-ve;</p> <p>b. Krijimi i një programi të kujdesit pasues për investorët potencialë dhe atyre aktualë në Kosovë dhe një mekanizmi të ankesave të investorëve, me kapacitete profesionale për të ofruar shërbime të tilla;</p> <p><b>Përmirësimi i mjedisit afarist:</b></p> <p>c. Përmirësimi i menaxhimit, koordinimit dhe zbatimit më detyrim të mbikëqyrjes së tregut. Përqendrimi në masa konkrete për të përmirësuar infrastrukturën dhe standardet e cilësisë;</p> <p>d. Zbatimi i programit për zvogëlimin e barrës administrative, për të përmirësuar mjedisin afarist në periudhë afatshkurtër dhe afatmesme, në veçanti përmes digjitalizimit dhe thjeshtëzimit të mëtejshëm, dhe bashkimit dhe heqjes së licencave e lejeve;</p> <p>e. Sigurimi i një sistemi efektiv inspektimi, me qëllim të intensifikimit të implementimit dhe zbatimit efektiv;</p> <p>f. Sigurimi i procedimit efikas të rasteve komerciale dhe zbatimit efektive të kontratave dhe zgjidhjes së mosmarrëveshjeve me kosto të ulët.</p>	MTI ZKM
<p><b>2.2. Angazhimi drejt përmbushjes së caqeve të efijencës së energjisë dhe energjisë së ripërtëritshme:</b></p> <p>a. Ndërmarrja e hapave konkretë për <b>efijencë të energjisë</b>, dhe përmirësimi i efijencës së energjisë në sektorin privat dhe zgjerimin e stimujve për ekonominë familjare;</p> <p>b. Përqendrimi në politikat dhe masat legjislative për të mbështetur <b>objektivat e Kosovës për energjisë së ripërtëritshme</b>, në harmoni me objektivat e Marrëveshjes së Gjellbër, përmes ndërmarrjes së hapave drejt dekarbonizimit dhe prodhimi i qëndrueshëm e i pastër i energjisë.</p>	MEA
<p><b>2.3. Trajtimi i sfidave prioritare mjedisore:</b></p> <p>Reflektimi i objektivave të Marrëveshjes së Gjellbër në zbatimin e politikave në fushën e mjedisit, me fokus në:</p> <p>a. <b>zvogëlimin e ndotjes së ajrit dhe ujit</b> dhe përmirësimin e menaxhimit të mbeturinave;</p> <p>b. ndërmarrjen e masave konkrete për <b>mbrojtjen e biodiversitetit</b>, veçanërisht në parqet kombëtare.</p>	MEA MTI
<p><b>2.4. Fuqizimi i mëtejshëm i zbatimit të reformave për menaxhimin e financave publike dhe të prokurimit publik:</b></p> <p>a. Zbatimi i të gjitha reformave për Menaxhimin e Financave Publike (MFP), përfshirë atyre në lidhje me prokurimin publik, siç parashihet në Strategjinë për Reformat e MFP, të mbështetur nga BE;</p> <p>b. Përafrimi i mëtejshëm i <b>prokurimit publik me standardet e BE-së</b>, përfshirë përmes rritjes së transparencës dhe informatave në formatin e të dhënave të hapura.</p>	MF KRrPP



<p><b>2.5. Forcimi i mëtejshëm i institucioneve të konkurrencës dhe ndihmës shtetërore:</b></p> <p>a. Sigurimi i <b>kapacitetit funksional dhe pavarësisë operative të institucioneve të konkurrencës dhe atyre të ndihmës shtetërore</b> dhe rritja e bashkëpunimit e koordinimit ndërmjet të gjithë akterëve, përfshirë ministritë, rregullatorët e shtetit dhe gjyqësorin;</p> <p>b. Ndërmarrja e hapave konkretë për të identifikuar dhe adresuar <b>situatat e monopolit dhe karteleve;</b></p> <p>c. Përmbushja e detyrimeve të MSA-së përmes krijimit të një <b>inventari gjithëpërfshirës të skemave të ndihmës</b> dhe harmonizimit të këtyre me rregullat e ndihmës shtetërore.</p>	<p>AKK</p> <p>MF</p> <p>Komisioni për NSh</p>
<p><b>2.6. Vazhdimi i përpjekjeve për të trajtuar ekonominë joformale:</b></p> <p>a. Zbatimi në mënyrë sistematike i <b>strategjisë së rishikuar dhe planit të veprimit kundër ekonomisë joformale;</b></p> <p>b. Vazhdimi i <b>luftës kundër punës së padeklaruar</b>, e cila prek gratë në përqindje më të lartë, me fokus në punësimin formal, kushtet e punës dhe masat parandaluese; si dhe përmirësimi i koordinimit ndërmjet institucioneve përgjegjëse për parandalimin dhe ndalimin e punës së padeklaruar.</p>	<p>MF</p> <p>Agjencia e Punësimit</p> <p>Inspektorati i Punës</p>
<b>III. Punësimi, arsimi dhe shëndetësia</b>	
<p><b>3.1. Zbatimi i masave me objektiva të qartë për rimëkëmbje sociale dhe ekonomike pas COVID-19<sup>1</sup>:</b></p> <p>a. Vendosja e një mekanizmi me objektiva të qartë, efektiv dhe transparent <b>për të mbështetur sektorin privat dhe të punësuarit e prekur</b> nga kriza, në veçanti ndërmarrjet e mikro, të vogla dhe ato të mesme dhe punëtorët e vetëpunësuar, me qëllim të lehtësimit të pasojave ekonomike të pandemisë COVID-19 dhe stimulimit të rimëkëmbjes ekonomike;</p> <p>b. <b>Ndërmarrja e masave të punësimit aktiv për të ruajtur shkallën e punësimit</b>, përfshirë përmes skemave të punës për kohë të shkurtër dhe avancimi i kapaciteteve të Agjencisë së Punësimit për të siguruar përmirësimin e ofrimit të masave aktive të tregut të punës;</p> <p>c. <b>Sigurimi i rritjes së mbulimit të përfitimeve sociale sipas nevojës</b> për grupet më të prekura nga kriza Covid-19.</p>	<p>ZKM</p> <p>MTI</p> <p>MPMS</p> <p>Agjencia e Punësimit</p> <p>Inspektorati i Punës</p>
<p><b>3.2. Rritja e punësimit dhe mirëqenies së përgjithshme:</b></p> <p>a. <b>Ulja e papunësisë së të rinjve:</b> zbatimi i Planit të Veprimit për Punësimin e të Rinjve duke marrë parasysh ndikimin e pandemisë;</p> <p>b. Arritja e <b>caqeve të vitit 2020, të identifikuar në Strategjinë Sektoriale</b>, për rritjen e punësimit, të drejtat e punës, dhe përmirësimin e mirëqenies sociale, duke inkurajuar përfshirjen e grave, pakicave dhe personave me aftësi të kufizuara.</p>	<p>MPMS</p> <p>Agjencia e Punësimit</p> <p>Inspektorati i Punës</p>
<p><b>3.3. Përmirësimi i shëndetit dhe sigurisë në punë:</b></p> <p>a. <b>Përmirësimi i zbatimit me detyrim të legjislacionit ekzistues për shëndetin dhe sigurinë në punë</b> për të siguruar mbrojtje më të mirë të punëtorëve nga aksidentet dhe sëmundjet në punë. Hartimi dhe miratimi i Manualit për Shëndetin dhe Sigurinë në Punë;</p> <p>b. Bazuar në vlerësimin paraprak të rrezikut në sektor, <b>rritja e numrit të inspektimeve</b> dhe përmirësimi i zbatimit të masave pasuese.</p>	<p>MPMS</p> <p>Agjencia e Punësimit</p> <p>Inspektorati i Punës</p>

<sup>1</sup> Ky është prioritet ndër-sektorial dhe është relevant për dy shtyllat e tjera, gjatë zbatimit të Planit të Veprimit të ERA.



<p><b>3.4. Përmirësimi i sistemit arsimor të Kosovës</b></p> <p><b>Përmirësimi i cilësisë së përgjithshme në sektorin e arsimit:</b></p> <p>a. Sigurimi i zbatimit sistematik të të gjithë <b>mekanizmave të sigurimit të cilësisë</b> në të gjitha nivelet e arsimit përmes ngritjes së kapaciteteve të inspektorëve të arsimit, forcimit e rolit të koordinatorëve të cilësisë dhe ngritjes së kapaciteteve monitoruese në Agjencinë e Kosovës për Akreditim;</p> <p>b. Vendosja e një forme institucionale dhe të qëndrueshme të <b>trajnitimit dhe zhvillimit profesional të mësimeve</b>;</p> <p>c. Finalizimi i kurrikulës bërthamë për AAP dhe ofrimi i trajnimeve për personelin mësues për zbatimin e saj;</p> <p>d. Sigurimi i bazës për reforma dhe sigurimin e cilësisë në arsimin e lartë përmes miratimit të <b>Ligjit për Arsimin e Lartë dhe Ligjit mbi Agjencinë e Akreditimit</b>, në përputhje me rekomandimet e BE-së/Këshillit të Evropës;</p> <p><b>Sigurimi i qeverisjes transparente të institucioneve arsimore:</b></p> <p>e. Forcimi i <b>kapaciteteve të Ministrisë së Arsimit dhe Shkencës</b> për zbatimin efektiv të reformave;</p> <p>f. Sigurimi i transparencës dhe <b>rekrutimit</b> meritore të ndjeshëm ndaj gjinive të <b>personelit mësues dhe atij menaxhues</b> të institucioneve arsimore në të gjitha nivelet;</p> <p><b>Rritja e qasjes në arsim:</b></p> <p>g. Rritja e qasjes në arsim për fëmijët, përfshirë për ata me nevoja të veçanta, fëmijët nga komunitetet pakicë dhe gratë.</p>	<p>MASh</p> <p>Agjencia e Kosovës për akreditim</p>
<p><b>3.5. Forcimi i funksioneve kyçe të sistemit shëndetësor:</b></p> <p>a. Forcimi i <b>aftësisë së Kosovës për zbulimin, vlerësimin dhe reagimin ndaj ndodhive të shëndetit publik</b>, bazuar në mësimet nga reagimi ndaj COVID-19 dhe duke marrë parasysh vlerësimin e fundit nga QEKSh të kapaciteteve të Kosovës në fushën e mbikëqyrjes, parandalimit dhe kontrollit të sëmundjeve ngjitëse;</p> <p>b. Kryerja e një vlerësimi për të identifikuar veprimet prioritare për qëllim të hartimit të një <b>strategjie të re të sektorit të shëndetësisë</b> dhe forcimit të sistemit shëndetësor;</p> <p>c. Krijimi i kushteve të domosdoshme për zbatimin e <b>politikës së sigurimit të përgjithshëm shëndetësor</b>.</p>	<p>MSh</p>